



XUNTA DE GALICIA

CONSELLERÍA DE POLÍTICA TERRITORIAL,
OBRAS PÚBLICAS E TRANSPORTES

ZONA CENTRO
Alférez Provisional 5-1º
Teléfono: 981 182 626 – Fax: 981 182 625
www.portosdegalicia.com
15006 A CORUÑA



ENTE PÚBLICO PORTOS DE GALICIA

PREGO DE BASES POLAS QUE SE REXERÁ A CONVOCATORIA PÚBLICA DE SOLICITUDES DE AUTORIZACIÓNS DE ATRAQUE NO PANTALÁN PARA EMBARCACIÓNS MENORES DE PORTOS DE GALICIA DO PORTO DE ARES.

CONVOCATORIA PARA EMBARCACIÓNS DEPORTIVAS (7ª LISTA)

ÍNDICE:

CAPÍTULO I DO PROCEDEMENTO PARA A ADXUDICACIÓN DAS AUTORIZACIÓNS DE ATRAQUE.

ANEXOS:

- I. PREGO DE CONDICIÓNS DAS AUTORIZACIÓNS
- II. MODELO DE INSTANCIA DE SOLICITUDE DE AUTORIZACIÓN
- III. MODELO DE IMPRESO DE DOMICILIACIÓN BANCARIA.



**PREGO DE BASES POLAS QUE SE REXERÁ A CONVOCATORIA PÚBLICA DE SOLICITUDES DE AUTORIZACIÓNS DE ATRAQUE NO PANTALÁN PARA EMBARCACIÓNS MENORES DE PORTOS DE GALICIA DO PORTO DE ARES.
CONVOCATORIA PARA EMBARCACIÓNS DEPORTIVAS (7ª LISTA)**

CAPÍTULO I

DO PROCEDEMENTO PARA A ADXUDICACIÓN DAS AUTORIZACIÓNS DE ATRAQUE

1.- PROCEDEMENTO PARA A ADXUDICACIÓN DAS AUTORIZACIÓNS DE ATRAQUE

As autorizacións de atraque obxecto deste prego adxudicaranse mediante convocatoria pública, de conformidade co procedemento establecido neste Prego de Bases e no prego de condicións incluído no Anexo I.

2.- TIPOS DE PRAZAS E TARIFAS A SATISFACER POLOS ADXUDICATARIOS

A presente convocatoria ábrese unicamente para embarcacións deportivas (7ª lista) e as dimensións das prazas vacantes son as seguintes:

Nº Prazas	Categoría da Praza	Dimensións das prazas	Dimensións máximas das embarcacións (eslora x manga)
13	A	6 m x 2,50 m = 15,00 m ²	6 m x 2,10 m
2	B	8 m x 3,50 m = 28,00 m ²	8 m x 3,00 m
1	D	12 m x 5,00 m = 60,00 m ²	12 m x 4,40 m

Portos de Galicia, unha vez rematado o prazo de presentación de solicitudes, poderá, se así o estima conveniente, modificar as dimensións e emprazamento das prazas para adaptar a distribución das mesmas ó resultado da convocatoria. Asemade, se como resultado da convocatoria fose necesario ampliar ou reducir a oferta de prazas de amarre, redistribuílas, renumeralas ou variar a súa posición, poderá facelo de maneira xustificada e conservando as características xerais das prazas, tendo dereito o solicitante que se vira afectado polas modificacións a renunciar á autorización adxudicada sen dereito a indemnización algunha.



O adxudicatario deberá abonar a Tarifa portuaria vixente en cada momento de aplicación ás embarcacións deportivas e de recreo (Na actualidade a Tarifa X-5 das contempladas na Lei 6/2003, do 9 de decembro, de taxas, prezos e exaccións reguladoras da Comunidade Autónoma de Galicia. D.O.G. nº 240, do 11 de decembro de 2003).

Para o abono da tarifa X-5 considerarase que a embarcación ten base no porto, polo que en virtude da regra sétima da citada Lei 6/2003, esixirase ó concesionario o pago por semestres naturais adiantados da tarifa mediante domiciliación bancaria.

Se no futuro existise fornecemento de auga ou enerxía nos pantaláns a través de tomas, o titular deberá abonar, ademáis da tarifa X-5 citada anteriormente, a correspondente a este tipo de fornecementos (na actualidade a tarifa E-3)

3.- PRAZO DAS AUTORIZACIÓNS

As autorizacións de atraque adxudicaranse polo prazo indicado no prego de condicións engadido no Anexo I.

4.- PRESENTACIÓN DE SOLICITUDES

4.1.- As persoas ou entidades que desexen solicitar as autorizacións de atraque obxecto deste prego deberán dirixir ó Ente Público Portos de Galicia unha solicitude conforme ó modelo que se incorpora a este prego como Anexo II, acompañadas da documentación que se sinala a continuación. As solicitudes, acompañadas de dita documentación, presentaranse a partir das 9:00 horas no Rexistro da Zona Centro de Portos de Galicia, ou na forma indicada no artigo 38.4 da Lei 30/92, do 26 de novembro, de Réxime Xurídico das Administracións Públicas e do Procedemento Administrativo Común, pero en todo caso deberá acreditarse a data e hora de presentación da solicitude.

A data de inicio do prazo de presentación de solicitudes indicárase no anuncio publicado no Diario Oficial de Galicia.



4.2.- Documentación a presentar.

Xunto coa solicitude, debidamente asinada, os solicitantes deberán presenta-la seguinte documentación:

1.- Documentos que acrediten a personalidade do solicitante, consistente en:

- Se é persoa física: Copia do **D.N.I. e N.I.F**, en vixencia e non caducados
- Se é persoa xurídica: escritura de constitución e de modificación, no seu caso, inscritas no Rexistro Mercantil cando este requisito fora esixible conforme á lexislación mercantil que lle sexa aplicable. Se non o fora, mediante a escritura ou documento de constitución, modificación, estatutos ou acto fundacional no que constasen as normas polas que se regula a súa actividade, inscritos, no seu caso, no correspondente rexistro oficial. Neste caso, as persoas que asinen a solicitude en nome da persoa xurídica, deberán acredita-la representación ca que actúan mediante poder bastantado ó efecto por letrado da Asesoría Xurídica Xeral da Xunta de Galicia.

2.- Certificación actualizada pola Capitanía Marítima da **folia de “asiento”** da embarcación, na que aparezan os datos referentes a embarcación que ocupará a praza de atraque e ó armador (propietario). Este documento componse a lo menos de dúas follas que levan por título *“REGISTRO MARÍTIMO ESPAÑOL”* e *“HOJA DE ASIEN TO –COPIA CERTIFICADA ACTUALIZADA”*. No caso de estar en trámites de actualización deberase presentar o xustificante conforme se está tramitando dita documentación en Capitanía Marítima. Para que a documentación se considere actualizada, deberá estar certificada por Capitanía Marítima cunha autoridade máxima dun ano contado a partir da data de presentación da solicitude. A embarcación deberá estar inscrita na lista 7ª de rexistro de embarcacións.

3. Copia actualizada e cotexada pola Capitanía Marítima do **Certificado de navegabilidade** da embarcación.

4.- **Copia compulsada do certificado que acredite o abono do seguro de responsabilidade civil** da embarcación con vixencia no período onde se formalice a solicitude. (Se o recibo non indica a embarcación, adxuntar con éste copia compulsada da póliza do seguro).

5.- **O impreso de domiciliación bancaria para o cobramento da Tarifa X-5**, debidamente cuberto e selado pola entidade bancaria correspondente, que certifique que o solicitante da autorización é o mesmo que o titular da conta bancaria.



6.- **Compromiso de renuncia expresa**, no caso de que teña autorizada outra praza de amarre nalgún porto dependente de Portos de Galicia.

Os interesados que non dispoñan de embarcación non poderán solicitar unha autorización de atraque

5.- SELECCIÓN DOS ADXUDICATARIOS

A orde de prioridade na selección e adxudicación das autorizacións de atraque solicitadas virá determinada polas seguintes consideracións indicadas por orde preferente:

1º.- Aquelas embarcacións que, sendo presentadas as solicitudes en prazo e correctamente, non dispoñan de ningunha outra praza de atraque en ningún porto galego, excepto que os propietarios presenten compromiso de renuncia expresa por escrito antes do outorgamento da nova autorización.

2º.- Data e hora de presentación das correspondentes solicitudes. Se por calquera causa non se acredite a hora na solicitude polo organismo oficial correspondente, computarase como hora de entrada en rexistro as 14:00 h.

As solicitudes que non presenten toda a documentación esixida na base 4 non serán tidas en conta. En caso de que se presenten solicitudes coa documentación incompleta, e esta se complete posteriormente, a data e hora que se considerará para a selección será a do rexistro da última documentación presentada.

Os solicitantes que non poidan obter unha autorización de atraque poderán acceder a unha lista de espera, das que se formará unha por cada categoría de prazas existentes no porto, para a adxudicación das prazas de atraque que poidan quedar posteriormente dispoñibles por calquera motivo.

6.- ADXUDICACIÓN DAS AUTORIZACIÓNS DE ATRAQUE

Á vista das solicitudes presentadas e dos criterios propios da axeitada explotación portuaria, Portos de Galicia adxudicará as correspondentes autorizacións de atraque, previos ós trámites que procedan. Asemade, no intre en que Portos de Galicia adxudique as autorizacións de atraque, procederase á liquidación con cargo en conta da taxa portuaria correspondente segundo o disposto na Lei 6/2003, de 9 de decembro, de taxas, prezos e exaccións reguladoras da Comunidade Autónoma de Galicia.



XUNTA DE GALICIA

CONSELLERÍA DE POLÍTICA TERRITORIAL,
OBRAS PÚBLICAS E TRANSPORTES

ZONA CENTRO
Alférez Provisional 5-1º
Teléfono: 981 182 626 – Fax: 981 182 625
www.portosdegalicia.com
15006 A CORUÑA



7.- POSTA A DISPOSICIÓN DAS PRAZAS.

As prazas entregaranse no intre en que sexa outorgada a autorización de atraque.

A Coruña, 18 de decembro de 2008

**A ENXEÑEIRA XEFE DA ZONA CENTRO
DE PORTOS DE GALICIA**

Asdo.: Lorena Solana Barjacoba